



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 73. Quid circa Missas de Requiem.

urn:nbn:de:hbz:466:1-42624

quando petitur de Sancto aliquo, sed alii cum *Lohn.* melius dicunt liberum esse hanc velulam legere, præsertim quoad votivas de Sanctis, mutatis mutandis, v. g. mutando tō natalitia vel festa in tō commemorationem.

504. §. 8. In votivis semper dicitur psalmus *Judica*, item ad introitum & *lavabo*, *Gloria Patri*, etiam si sit Missa de Passione etiam infra hebdomadam Passionis, S. Congreg. 10. Febr. 1647. In votivis privatis dicuntur orationes plures, ut in festis simplicibus, semper impari numero; Secunda oratio est, de quo fit Officium; Tertia, quæ aliàs fuisset secunda & hoc servatur etiam tempore Passionis & infra Octavam. In votivis tamen de B. Virgine tertia est, *Deus qui corda*, Et de sanctis Apostolis Petro & Paulo, si secunda esset *Acunctis*, loco ejus dicitur, *Concede*. In votiva solenni est tantum una oratio, & si quis velit addere alteram pro gratiarum actione, utraque dicitur sub una clausula, non item in privata Missa, *Gay. Lohn.* contra *Quarta*.
505. §. 9. Præfatio dicitur propria, si habeat, aliàs de tempore vel de Octava vel de communi. Si fiat votiva infra Octavam Nativitatis Christi, dicitur præfatio de Nativitate, licet votiva haberet propriam. Dicitur etiam *Communicantes* & *Hanc igitur*, si votiva dicatur infra Octavam, quæ illa habet propria. In fine semper dicitur Evangelium S. Joannis.

506. Q. 73. Quid observandum sit circa Missas de *Requiem*. R. Seqq. §. 1. Missa de *Requiem* licita est aut prohibetur iisdem diebus & temporibus, quibus votiva, potestque similis necessitas vel causa excusare, ut legi possit diebus aliquibus prohibitis, *Gay. Lohn.* Non legitur exposito *Venerabili*.

§. 2. Præsentem corpore licita est una solennis de *Requiem*, quamvis sit dies Dominica vel festum de præcepto, dummodo non primæ classis; si tamen non sit de majoribus primæ classis, docet *Sennyei* de Missa n. 184. licere, uti & die Jovis sancto ante, & Sabbatho sancto post alteram Missam solennem. Putat autem *Gav. & Arnaud.* non licere in talibus festis vel Dominicis plures privatas, sed contradicunt alii cum *Sennyei* n. 182. quia censetur tantisper suspensum officium diei, & scio alicubi id permisisse Vicarium Generalem in Sabbatho sancto. Verum ad tollendum dubium S. Congreg. 10. Jun. 1693. declaravit tanquam ab usum abolendam consuetudinem celebrandi Missas privatas pro defunctis corpore præsentem & insepulto his diebus, in quibus sit de duplici, vel de duplici fieri non potest, quod à fortiori intelligendum est de iis diebus, qui rejiciunt duplicia primæ classis, quales sunt ultimi in septimana Sancta, & omnes infra Octavas Paschæ & Pentecostes & aliquot alii. Præterea *Alexander VII.* 5. Aug. 1662. sub gravibus pœnis prohibuit Missas privatas pro defunctis in omni duplici, cujus decretum *Clemens XI.* innovavit 30. Aug. 1706. voluitque omnino observari Rubricam de non celebrandis Missis privatis pro Defunctis in duplicibus, eò quod æquè utiles sint, quæ sunt conformes officio, cum applicatione sacrificii. Sed quamvis ista tam sæpe sint præcepta, attamen passim videmus non observari: quod improbandum est.

§. 3. Anniversaria de *Requiem*, aut de tertia & septima die dici non potest in festo de præcepto, nequidem solennis: S. tamen Congreg.

Tom. VI.

Q

1. Sept.

1. Sept. 1607. & 20. Jun. 1626. concessit implenda voluntate testatorum dici Missa de *Requiem* in festo duplici, quod non est de precepto. Et notandum est decretum *Alexander VII.* Credite 22. Jan. 1667. datum, & habet ultimo loco inter ejus Bullas, quo declaratur universalis & Missas de *Requiem*, si canantur, eas disposuerint Testatores, quorannis in ipsorum obitu, non prohiberi etiam in duplici majore, Missas tamen privatas in eum finem. Congreg. 28. Aug. 1627. & 21. Jun. 1670. non permittit legi in duplicibus, & quodcumque est officium excludens duplicia.

§ 99. §. 4. *Alexander VII.* in eodem Decreto, Credit, dicit Missas in altaribus privilegiatis in diebus, quibus non licent, quamvis non sint de *Requiem*, sed de festo currente, habere eandem viam & Indulgentias, quas haberet Missa de *Requiem*. Idem statuit etiam *Clemens IX.* & *Innocentius XII.* die 4. Maji 1688. Unde jam nulla rationabilis causa potest esse, cur in tali die prohibito peratur aut legatur Missa de *Requiem*.

§ 10. §. 5. Si Missa Defunctorum certo die dicenda, v. g. anniversaria, vel de tertia aut trigesima die, incidat in diem prohibitum, transferri potest in diem sequentem S. Congreg. 27. Sept. 1607. *Durant.* tamen, *Corsettus* & *Rayn.* in *Heuter.* Tom. 15. p. 2. f. 3 pu. 3. n. 43. recte dicunt anticipari posse, ut citius succurratur Defunctis.

§ 11. §. 6. In Missa de *Requiem* omittitur psalmus *Judica*: Ad introitum Sacerdos non signat se, sed librum: Omittitur *Gloria Patri* ad introitum, *Gloria in excelsis*, omnis oratio pro vivis, vel pro vivis & defunctis simul: *Iube Domine benedicere*: *Dominus sit in corde*: Osculum libri post

Evan

Evangelium, Per Evangelica dicta, Credo, Benedictio aquæ, Gloria Patri, post levabo, Percussio pectoris ad Agnus Dei sed manibus junctis, & non impositis altari additur, dona eis requiem, & ultimo, sempiternam Post Agnus Dei prima oratio pro pace omittitur. In fine loco *Ite Missa est*, dicitur versùs altare, *Requiescant in pace*. Omititur benedictio populi, sed dicto placeat, & osculato altari, itur ad Evangelium S. Joannis, quod semper legitur. Communio non distribuitur in paramentis nigris, nec intra solennia cujuscunque Missæ, de *Requiem*.

§. 7. *Dies iræ* dicitur, quando est unica oratio; si autem sint plures, liberum est dicere vel omittere: semper legitur præfatio communis. 512.

§. 8. In solenni de *Requiem* est unica oratio, uti & festo Animarum, die depositionis & anniversaria, die tertiâ, septimâ, trigesimâ: in aliis autem Missis sunt plures, & in his oratio *Fidelium* semper dicitur, & semper est ultima. Quamvis legatur pro patre tantum vel matre tantum, in oratione dicitur, *Deus qui patrem & matrem*. 513.

§. 9. Tertia dies numeratur à die sepulturæ: Inter diem tertiam & septimâ, inter septimam & trigesimam legitur, uti aliàs, *Missæ quotidiana*. Ante sepulturam, die tertiâ, septimâ & trigesimâ legitur Missa *De die obitus sive depositionis*. 514.

§. 10. Communis sententia hætenus habuit, quod festo Animarum Missa ex intentione Ecclesiæ applicetur omnibus Defunctis in communi, legitur tamen Declaratio S. Congreg. data 4. Aug. 1663. quod applicari possit tum in genere pro omnibus, tum in specie pro aliquibus defunctis. De Missa post festum Animarum legenda pro defunctis in Societate, dictum est 515.

nu. 170. Quandonam autem in Missa, quæ non est de *Requiem* addi debeat oratio *Fidelium*, dicitur num. 463.

516. Q. 74. An licitum sit pro vivo legere *Missam de Requiem*. R. §. 1. Negant absolute *Laym. Ca. strop. Garc. Tamb. Diana* p. 5. t. 13. R. 2. p. 9. t. 2. R. 19. *Aversa* q. 11. s. 12. *Mendo* diff. 13. q. 8., quia cum illa pro defunctis tantum sit instituta, non est immutandus hic ritus *Ecclesiæ*; imò tales *Missæ* non prosunt jam vivis, neque eorum effectus suspendi potest usque ad mortem illius, pro quo fiunt ergo malè leguntur. E contra *Nav. Fagund. Zerol. Barb. Lez. Hautinus Gob.* t. 3. n. 631. aliique apud *Aversam* suprà dicunt, licitum esse & pium, quod *Mendo* agnoscit probabile, & fusè defendit *Raynaudus* in *Heter. Tom.* 15. p. 2. s. 3. pu. 3. à n. 32. quamvis enim ista sint pro mortuis instituta, tamen ex natura sua etiam prosunt, si offerantur pro vivis, imò plùs quàm si pro mortuis, quia his tantum prosunt per vim satisfaciendi, vivis autem etiam per vim merendi & impetrandi. Utraque sententia est probabilis, sed prima sensui communi & praxi *Ecclesiæ* conformior: Multa tamen exempla pro secunda affert *Rayn.* suprà.

517. §. 2. Si posterior sententia practicetur, omitti debent orationes, in quibus ille, pro quo legitur, dicitur esse mortuus, id enim foret mendacium: nisi fortè verba per intentionem celebrantis referantur ad tempus, quo mortuus erit. Videri potest *Henao* de *Sacrif.* d. 17. pag. 379. & *Rayn.* n. 34.

518. Q. 75. Quid sit notandum circa *Missas* ad altare privilegiatum. R. Seqq. §. 1. Quà formâ concedatur illud privilegium, & quomodo ejus verba